



古今事文類聚

遺集 尾
十四之十五

X
99
100

遺集文庫
文庫 6
28
100



新編古今事文類聚遺集卷之十四

建安

祝淵

宗禮

編

金陵

唐富春

子和

刊

路官部遺

總幕職

此下補外集府判之後

歷代公車各見後逐官之下

羣書要語參佐使局

常毗使軒

賓佐

賓彥

賓采

賓

寮

並晏公類要

以良士而替賢侯宜乎多成功而鮮敗事矣

樂

天行盧商制

使吾無一方之憂吾寧久遺汝於諸侯乎

規等制

翹車著詠 裘帛垂文式重弓旌以光樽俎允奉幕中之

畫以稱席上之珍乾祐赦夫幕吏之道有事必言知無不為杜

收行李知常制幕中之辨人反以汝為叛臺中之評人反以汝

為顧韓退之箴軍府之要掌在賓寮白居易制豫籌幕府擢

兵謀朝文恭行朱達制諸侯辟之以佐於賓席杜牧之行行李承

詩句燕昭延郭隗遂築黃金臺李白古風桃李蹊空久芙蓉客

暫依李文饒歸路芙蓉府離堂玳瑁筵劉禹錫選陸侍御歸淮

南幕廟堂咨上策幕府制中權高適王門高德業幕府盛賢材

杜白頭趨幕府深覺負平生杜幕府初交辟郎官幸倘負杜婉

婉幕中畫謝宣遠張子房詩黃金臺貯後賢多杜將軍昔着從

事衫鐵馬馳突重兩銜杜魏將軍歌荊州勝事衆多聞幕下今

朝又得君姚合選陳彤赴江陵幕

古人事實

為國上賓

枚乘字叔久為大國上賓與英俊並游漢書

接以交友

虞翻字仲翔會稽人太守王朗會接以交友之禮魏志

禮以上賓

任為從事禮以上賓白氏六帖

風幕

晉謝安王坦之嘗詣桓溫論事溫令郝超帳中臥聽之風動帳

開安笑曰郝生可謂入幕之賓

蓮池

晉書謝安王坦之嘗詣桓溫論事溫令郝超帳中臥聽之風動帳

王儉用庾泉之為衛將軍長史蕭沔與儉書曰盛府元僚實難其選庾景行泛綠水芙蓉何其麗也時人以入儉府為蓮花池故沔書美之景行泉之名

參佐賓筵

唐劉三復長於章奏李德裕器之及鎮浙西皆參佐賓筵軍政之餘與之吟詠終日在長安私第別起草院院有精思亭每朝廷用兵詔令制置而獨處亭中凝然握管左右侍者無能預之

從事賓幄

李文饒作鄒平公資福院記公釋褐從事在賓幄之間

汴州判佐

唐狄仁傑授汴州判佐

有出入見

路嗣恭嶺南節度入覲曰臣從事柳渾有出入之見

待如師友

劉賁博學善屬文耿介嫉惡文宗時對策極言中官權盛令狐楚在興元牛僧孺在襄陽辟為從事待如師友

盛選材彦

浙西觀察使李栖筠虚心下士其所擇從事望重幕府盛選材彦觀察判官許鴻謙有學識栖筠嘗異席事多咨之

多得名流

崔衍遷官歙池觀察使其所擇從事多得名流時有士者待賓僚率輕傲衍獨加禮敬幕中之士多顯達

下車辟荀孔

晉東海越為兗州牧以江統為別駕委以州事與統書曰昔王子師為豫州未下車辟荀慈明參書幕下車辟孔文舉貴州人士有堪此者否統舉郗鑒阮修程牧時以為知人

重胤羅温石

烏重胤鎮河陽之三月以石生為牙以禮為羅羅而致之幕下未數月也以温生為牙於是石生為媒以禮為羅又羅而致之幕下東都雖信多才士朝取一人焉拔其尤暮取一人焉拔其尤韓文

與均禮

崔咸元和初擢進士第又中宏詞鄭餘慶李夷簡皆表咸幕府

與均禮

主留務

徐彥若為清海軍節度使卒于鎮行軍司馬劉隱因主留務方時多難彥若最見信于帝有以事自陳者帝曰汝當問彥若其所倚任如此

廊廟之才

孫紹字長緒北海人為孔融功曹融稱紹有廊廟之才後為相吳錄

兼人之才

南陽公文章稱天下其所辟皆閑辨通敏兼人之才者也韓文

南樓談詠

庾亮在武昌諸佐吏殷浩之徒登南樓不覺亮至將起避之亮曰諸君且少住老子於此興復不淺便據胡床而坐與浩等談詠本傳

昆弟同幕

劉崔望字希徒崔安潛帥許及劔南崇望昆弟四人同幕府世以為才

武昌多士

晉陶侃鎮武昌軍殷浩庾翼等皆為佐吏武昌號為多士

一時高選

李棲筠觀察浙西幕府皆一時高選王質字華卿為宣歙觀察使任幕府者若裴夷直趙哲李行方劉蕡皆一時高選

西山爽氣

王子猷為桓溫車騎參軍溫謂曰卿在府久此當相料理初不答直高視以手板拄頤云西山朝來致有爽氣

為小朝廷

唐鄭從謹為河東節度表王調劉崇龜趙崇李渥崔澤等為判官書記支使皆一時選京州士人人比大原為小朝廷得才多也

極一時選

武元衡字伯蒼節度劔南元行雅性莊重雖淡於接物而開府極一時選

皆一時選

王維河西節度天寶中名聞于邊他所辟舉如王維王緒崔商等皆一時選云

皆當時士

元稹浙東觀察使所辟幕職皆當時之士

皆為顯人

韋抗所表劉昇卿王倕王壽為僚屬後皆為顯人

盡理箴規

劉悟節制鄭滑奏賈直言置幕中悟纖微垂失直言必盡理箴規以是美譽日聞

咨訪得失

唐楊於陵字達夫節度領南薛韋臯李翔等在幕府咨訪得失

博學強記

李商隱能為古文從事令狐楚幕博學強記下筆不能自休

行修學進

石洪字巨川行修學進聲號聞四方諸府交辟烏重胤聘為河

陽從事治民實考功奏石洪為天下第一韓退之為石洪墓誌

以文章稱

權德輿字載之未冠以文章稱諸儒間韓泗李兼杜佑裴胃交

辟之

幕中謙謙

李藩字叔翰少治談修檢雅容儀好學詩律封在徐州辟為從

事居幕中謙謙未嘗論細微

才略精明

李石字中玉初辟南廳幕府從歷四鎮有才略為吏精明

奏署幕府

張封建字本立治徐州性樂王賢不肯游其門者其禮必均故其往如歸許孟容韓愈皆奏署幕府

先奏後聘

唐桂管觀察使王拱聞令狐楚之才欲以禮聘楚不從乃先聞奏而後聘

鳳皇芝草

足下仁者宜在高位託在幕下則不為得所足下出類拔萃鳳皇芝草賢愚皆以為美瑞青天白日奴隸亦知其清明退之上

豈池中物

左肅機皇甫公義檢校沛王府長史引韋思謙為同府舍曹謂思謙曰公豈池中之物屈公為數旬之客以望此府舊唐史

賀得主人

近者閣下從事李協律翔到京師馳往省之且先賀其得賢主人退之代張籍與李浙東書

召為諫議

賈直言署李師道府屬及師道不軌持刀負棺入諫曰願前死不見城之破又畫縛載檻車狀而妻子係繫者以獻師道怒囚之劉情既入釋其禁辟署義成府後從潞亦隨府遷穆宗召為諫議

最為上客

晏元獻延賓客一時名士多出其門為西京留守幕下王琪張亢最為上客分紀

天下名士

天聖明道中錢文僖留守西都謝希深為通判歐陽永叔為推官尹師魯為書記梅聖俞為主簿皆天下名士

同遊嵩山

謝希深歐陽永叔官洛陽同遊嵩山歸暮抵龍門香山雪作留守錢文僖公遣吏以厨傳散妓至且勞之曰山行良苦當少留龍門府事簡無遽歸也聞見錄

古今文集

雜著

送賈從事序

韓退之

踰颶閩而南皆百越之地於天文其次星紀其星牽牛連山隔其陰距海敵其陽是維島居舟服之民風氣之殊者自古昔唐之有天下號令之所加無異於遠近民俗既遷風氣亦隨雪霜時降癘疫不興瀕海之饒固加於初是以人之之南海者若東西州焉皇帝臨天下二十有二年詔工部侍郎趙植為廣州刺史盡收南海之民署從事扶風實中平以文辭進於其行也其族人殿中侍御史牟合東都交遊之能文者二十有八人賦詩以贈之於是昌黎韓愈嘉趙南海之能得人壯從事之答於知我不憚行之遠也又樂貽周之愛其族叔父能合文辭以寵榮

之。作送實從事以府平序

古詩

鄖城夜會李正封聯句

韓退之

從軍古云樂談笑青油幕燈明夜觀棊月暗秋城柝何當鑄劍
戟相與歸臺閣銘山子所工插羽余何作策勳封龍額歸騎獵
麟脚推選閱羣材薦延搜一鷄

寄盧仝

韓退之

水北山人得名聲去年去作幕下士水南山人又繼往鞍馬僕
從塞間里少室山人索價高兩以諫官徵不起

贈益府羣官

盧照隣

一鳥自北燕飛來向西蜀羣鳳從之遊閱之何所欲答云寒鄉

子飄飄萬餘里不息惡木枝不飲盜泉水常思稻梁適願棲梧
桐樹

律詩

寄洪州幕府盧侍御

韋應物

乃報南昌令乘馬入郡城同時趨府客此日望塵迎文苑臺中
妙冰壺幕下清洛陽相去遠猶使故材榮

送顛赴潤州幕

杜牧

直道事人男子事異鄉加飯弟兄心還須整頓韋絃佩莫獨吟
誇玳瑁簪

別蘇溪赴湖南幕

杜甫

得實翻蒼竹棲枝把翠梧數論封內事揮發府中趨

送蘇兵曹

杜甫

飄飄蘇季子。六印佩何遲。早作諸侯客。兼工古體詩。

絕句

杜甫

清秋幕府井梧寒。獨宿江城蠟炬殘。永夜角聲悲自語。天中月色好誰看。

示同列

韓退之

城上赤雲呈瑞色。眉間黃色見歸期。幕中無事惟須飲。即日連鑪向闕時。

送朱叔賜赴閩中幕府二首

呂伯泰

止戈堂上屐聲閑。飛蓋相追杳靄間。君到定知難入眼。倚天瀟灑是家山。

路逢半客九袷青。半是同窓舊弟兄。最憶市橋燈火靜。蒼南巷北讀書聲。

送王實之赴長沙幕

劉克莊

賈傳遺蹤在。君於此。廷蓮不應卑濕地。猶着廣寒仙策。好人爭誦。名高士。青全衡山。余所管。擬結草鞋緣。

書記支使

歷代公華

自魏以來有其名

魏本祖以陳琳阮瑀為司空軍謀

祭酒晉書記室宋江夏王恭取丘巨源為掌書記

陳有文房

書記之任

南史趙知禮蔡景歷屬陳武帝經綸之日

唐景陽

中元帥府置掌書記一人。節度使亦置焉。掌朝覲聘問慰薦。

祭祀祈祝之文與號令升絀之事後唐長興中有書記支使

朱乾德二年詔歷兩任有文學者許兩使留後奏充堂書記

詔曰曾記之任資序頗優自前藩鎮薦人多自初官除授自

本歷或兩任以上有文學即許節度使觀察使留後奏充

平興國六年詔諸節度州依舊置觀察支使一員資考俸料

並同堂書記自今吏部除擬以經學及諸色人任無出身人

充凡書記支使不得並置有出身曰書記無出身曰支使位

在判官之下推官之上並國朝會要

羣書要語籌謀文藻各有所長能專奏記孜孜不怠翩翩有聲

白集行姚元康制專司奏記盧衆制軍旅之事不可無任奏記

之事不可非徐騎省行堂書記制茂戎軒才優管記操刀

必割豈謝專屏落筆不休寧慙倚馬柳子厚奏薦從事表楊

稱軍旅之際飛書馳檄用救皇李德裕太原書記壁記

詩句知君書記本翩翩為許從戎赴朔邊杜審言贈蘇書記

筵得佳客侯印有光輝温庭筠送郭書記

古今事實主上表章

三公大將軍皆有記室主上表章報書記雖列於上宰之庭然

本於從事之職續漢百官志重其文章

宋齊丘鎮豫章以喬公舜為堂書記性簡率有幕中十餘年未

嘗趨附府公但重其文章以進用

精於簡牘

唐韋涉奏韋元甫充支使元甫有器局精於簡牘所泣有聲

杜君主記

以右拾遺杜君為主記李文饒集

鄱陽書佐

蕭穎止陳留逆旅有一老人見之曰君一似鄱陽王蕭驚問老人曰某姓左昔為鄱陽書佐同安志

為文瑰奇

唐李商隱為文瑰奇

文檄豪健

舒元興擢高第裴度表掌興元書記文檄豪健一時推許

書記翩翩

魏文帝與吳質書曰孔璋章表殊健微為繁富元瑜書記翩翩足致樂也

檄愈頭風

魏陳琳字孔彰阮瑀字元瑜太祖並以爲司空軍謀祭酒管書記室琳作書及檄草成太祖先苦頭風卧讀琳所作頭風頓愈又太祖適近出瑀於馬上具草書成太祖覽畢欲有所定竟不能增損

翰動如飛

乾符中王重榮鎮河中辟李巨川爲掌書記時車駕在蜀重榮巨川合諸蕃協力誅寇巨川文思敏速翰動如飛傳之藩隣無

不疎動重榮收復巨川之助也

為文贍速

陳武帝討元景仲引趙知禮為書記為文贍速下筆不能自休

博學強記

李商隱能為古文不喜偶對從事令狐楚幕能草奏遂以其事授商隱自是始為今體章奏博學強記下筆不能自休

員推草狀

唐韋元甫初任白馬尉採訪使韋陟奏充支使與同幕判官員錫齊名元甫精於簡牘錫詳於訊覆時謂員推草狀

騏驎千里

梁建王為雍州刺史以江革為南征北記室參軍弟觀兼書記

沈約任昉與革書曰雍州妙選英才文房之職總卿昆弟可謂馭一龍於長途騏驎於千里

八掌書記

張鷟十年歷文武之佐六府八掌書記時論善之翰林故事

露布咨歎

李晟表于公異為招討府掌書記朱泚平露布于德宗帝覽江下咨歎至再

書檄中理

王重榮討黃巢書檄奏請紛沓神安思敏言趣中理鄰藩皆驚文理貴中

李德裕鎮浙西劉三復在幕一旦令草謝御書表謂之曰立構

也歸創之。三復曰文理貴中不貴其速

刀筆助恢復

王重榮刀筆助恢復之功

人文掌宸翰

僕射高貞公節度令狐公以人文掌宸翰國子司業鄭公給士河南尹杜公以材華登貴任繼斯躅者不亦盛歟李文饒集

思毫稱是職

非天機殊健學源濬發令思而九流委翰揮毫而萬象駭奔如庖子提刀為之滿志師文拜瑟效不可窮則不能是稱職也上

浮華罰掌書

文宗謂待臣曰近日諸侯奏語大浮華有華典實宜罰掌書以

戒其流李石曰古人因事為文今人以文害事

材名由是選

魏氏以陳淋阮瑒管記室自東漢以後文才高名之士未有不由於是選其簡才之用亦金馬石渠之亞李文饒集

召拜為待御

杜牧擢制科牛僧孺鎮揚州辟節度府書記牧供職之外唯以宴遊為事數年召拜為待御牛僧孺餞之曰以待御史風槩遠馭固當自極夷塗

同退不同進

歐陽公初坐論救范公貶三峽元昊反范公起為環度帥辟公掌書記公嘆曰吾初坐論范公之事豈以為已利哉同其退不

事文類聚卷之十四
同其進可也於是遂辭不往言行錄

古今文集

雜著

徐泗濠三州掌書記廳壁記

韓愈

書記之任亦難矣元戎整齊三軍之事統理所部之眈以鎮守邦國贊天子施教化而又外與賓客四鄰交其朝覲聘問慰薦祭祀祈祝之文與所部之政下三軍之號令升黜凡文辭之事皆出書記非閱辯通敏兼人之才莫宜居之然皆元戎自辟然後命於天子苟其帥之不文則其所辟或不當亦其理宜也南陽公自御史大夫濠壽廬三州觀察使授節移鎮徐州歷十一年而掌書記凡三人其一曰高陽許孟容入仕于王朝今為尚

書禮部郎中其一曰京兆杜兼今為尚書禮部員外郎觀察判官其一曰隴西李博自前鄉貢進士授秘書省校書郎今方為之南陽公文章稱天下其所辟實所為閱辯通敏兼人之才者也後之人苟未知南陽公之文章吾請觀於三君子苟未知三君子之文章吾請觀於南陽公可知矣蔚乎其相華炳乎其相輝志同而氣合魚川涿而鳥雲飛也愈樂是賓主之相得也故請刻石以記之而陷置于壁間俾來者得以覽觀焉

送楊支使序

韓愈

愈在京師時嘗聞當今藩翰之賓客惟宣州為多賢與之游者二人隴西李博清河崔羣羣與博之為入吾知之道不行於主人與之處者非其類雖有享之以季氏之富不日留也以羣

博論之凡在宣州之幕下者雖不盡與之遊皆可信而得其為
久矣愈未嘗至宣州而樂頌其主人之賢者以其取人信之也
今中丞之在朝愈日待言於門下其來而鎮茲土也有問湖南
之賓客者愈日知其客可以信其主者宣州也知其主可以信
其客者湖南也去年冬奉詔為邑於陽山然後得謁湖南之賓
客於幕下於是知前之信之也不失矣及儀之之來也聞其言
而見其行則向之所謂羣與博者吾何先後焉儀之智足以造
謀材足以立事忠足以勤上惠足以存下而又修之以詩書六
藝之學先聖賢之德音以成其文以輔其質宜乎從事於是庶
而流聲實於天朝也夫樂道人之善以勤其歸者乃吾之心也
謂我為邑長於斯而媚夫人云者不知言者也工乎詩者歌以

擊之

送邠寧獨孤書記赴辟命序

柳子厚

僕間歲驟遊郊壇今戎師揚大夫時為侯奄盡獲羣校用笞法
筆令不吐強禦下莫有逗撓凌暴而犯令者沉斷壯勇專志武
力出麾下取主公之節鉞而代之位鵠冠者仰而榮之今又能
旁貴文雅以符召文士之秀者河南獨孤密署為記室裨職文
翰翕然致得士之稱於談者之口蓋朝廷以勇爵論將帥豈濫
也哉獨孤生與仲兄寔連舉進士並時管記於漢中新平二連
帥府俱以筆硯承荷舊德位未達而榮如貴任其難乎哉噫自
大戎陷河右逼西鄙積兵備虞縣道告勞內園中府太倉之蓄
僅而獲廢投石而買勇者思所以奮力論者以為天子且復河

事文類聚遺集

卷之十四

十一

塢故壇拓達西戎而寵諸侯之兵則曳裾戎幕之下專弄文墨
為壯夫捧腹甚未可也吾子歷覽古今之變而通其得失是將
植密書於借節之宴發羣謀於章奏之筆上為明天子論列熟
計而導揚威命然後談笑樽俎賦從軍之樂移書飛文論告西
土切脇之伍俾其簞食壺漿宿迎王師在吾手而已往慎辭令
使諭蜀之書燕然之文炳烈於漢史真可慕也不然是瑣瑣者
惡足置齒牙間而榮吾子哉

律詩

送韋書記赴安西

杜甫

夫子歛通貴雲泥相望懸白頭無籍在朱紱有哀憐書記赴三
捷公車留二年欲浮江海去此別意蒼然

寄高書記

杜甫

歎息高生老新詩日又多美名人不及佳句法如何主將收才
子崆峒足凱歌聞君已朱紱且得慰蹉跎

送高書記

杜甫

高生跨鞍馬有似幽并兒借問今何官觸熱向武威答云往書
記用規國士知十年出幕府自可持旌麾此行既特達足以慰
所思男兒功名遂正在老大時邊城有餘力早寄從軍詩

送鄭書記

錢起

決勝無遺策薛天便請纓出身唯狗死報國且能兵受命麒麟
殿參謀驃騎管短簫催別酒斜日駐前旌義勇千夫敵風沙萬
里行幾年丹闕下侯印錫書生

贈王管記

高適

飄飄戎幕下，出入關山際。轉戰輕壯心，立談有邊計。

寄院中諸公

劉長卿

陳琳書記好，王粲從軍樂。早晚歸漢庭，隨公上麟閣。

送中遇劉書記

高適

何代無秀士，高門生此才。幾載困常調，一朝時運催。白身謁明

主，待詔登靈臺。

送蔡都尉因寄高書記

杜甫

雲幕隨開府，春城赴上都。因君問消息，好在阮元瑜。

送張支使

陳后山

曠度逢知晚，高才處下難。清秋一鷄上，拭目萬人看。

寄淮南實書記

陸龜蒙

記室千年翰墨孤，唯君才力似應徐。五十驅得神功盡，二酉搜來秘檢疎。

總諸曹

歷代沿革各見後逐官之下

羣書要語官惟府掾署列州司百六帖郡掾府寮分官員散武

署列六職名列府寮或奉軍事並同上

詩句再冉府中趨古詩

古今事實

曹事數費

事類彙編卷之二十四

十八

陳遵為公府掾吏日出醉歸曹事數廢西曹以故事論之府曹詰等舍白遵曰陳卿今日以某事論遵曰滿百乃相聞故事滿百則斥後滿百西曹請斥司徒官復容之

號殺公掾

晉周振頗為三公府辟辟書下公輒亡時人號為殺公掾莫有辟者魏舒揚源為司徒遂辟之竟無他事

常為師友

漢嚴詡為潁州守政清簡常謂掾吏為師友

職徒勞人

漢梁竦曰州縣之職徒勞人耳

在府參軍

郝隆 南齊參軍二月三日作詩曰娥隅濯清池桓公問何物答曰名雀為娥隅桓公曰何為作詩在隆曰千里投公始得一在府參軍何為不作在語也 世說

假日不休

漢薛宣為劫賊曹掾張扶至假日獨不肯休坐曹治事宣出教曰曹雖有公事家亦望私恩扶慙之

號三語掾

陳留阮千里有公望大尉王君見而問之曰老莊與聖教同異答曰將無同太尉善其言辟為掾人號三語掾

孫楚長揖

孫楚字子刑為揚州參軍至州長揖刺史石苞曰天子命我參

却超多髯

晉桓温辟王恂為主簿却超為參軍超多髯恂短小時人語曰髯參軍短主簿能令公喜能令公怒

稚主管簫

唐張文灌補并州參軍時李勣為長史嘗歎曰稚主今之管簫吾所不及

杜暹清吏

杜暹補婺州參軍秩滿歸吏以紙萬番置之暹為受百番眾歎曰昔清吏受一大錢何異哉

軍事偉辯

盧承慶為秦州參軍入奏軍事太宗偉其辯

總監當

歷代沿革太平興國三年十月詔諸路轉運使副當體量部內監當京朝官內公勤廉幹顯有勞績者具名聞奏與親民差遣宋朝哲宗正史職官志監當官掌場務庫藏出納之事其征推場務歲有定額以登耗為殿最賞罰凡課利所入逐日具數申于州四朝志高宗建炎元年詔諸路州縣監當官有闕冷漕臣辟奏一次二年詔監當官以二年為任滿六考許開隆四年詔繁劇去處止得添差一員乾道六年詔吏部將監當官闕員依條注識字人中典會要

州糧料院

古今事實

出納槩量

趙清獻公抃字閱道監潭州糧料院出納不限時日槩量平人便之神宗實錄

召試除校理

胡宗愈謚修簡監楚州糧料院伯父宿為樞密副使出守杭陞辭英宗問之曰子弟誰可繼卿者乎宿以宗愈對會曾公亮薦召試學士院除集賢校理

錢監

歷代沿革 宋自開寶平吳之後因其舊制置錢監于番陽既而

江淮荆浙閩廣之地皆有監聖朝略

君書要語管錢官曰園府之職文選池金治之別司胡文恭行成有宗制治挾銅之令以收七福因採山之法用廣五銖葛源制司南州寶治之饒佐縣官園府之用宣勞于外與利在公上詩句未能便乞响屨令官曹似是錫與銅王願赴建州錢監

古今事實

鐘官

王莽時主鑄錢官曰鐘官漢官志

事文類聚

卷之十四

三

改用銅錢

劉濛叟掌饒州鑄錢監江南舊鑄鐵錢至是改用銅錢濛叟在
或三年增課十餘萬真宗實錄

古今文集

雜著

議錢 劉巨濟見都木坑治門

監倉

羣書曼語當庾氏之掌胡文恭行裴士傑制服勞廩委公是行劉浩

詩句平分太倉粟盡讀鄴侯書陳石山謝監詩校繕閱帑藏蘇

廩整新箱高適贈司倉詩一官倉庾真堪老坐看松根落蘇

東坡泗州南山監倉蕭煇詩但見東軒堪隱几不知公子是監

倉同上身到瀛洲須命好官稱庾氏莫言卑何斯舉寄錢仲監

倉君豈料多才者空垂不世名閑曹猶得醉薄俸亦勝耕蘇力于寄

普州司倉賈島詩

古今事實

治粟都尉

漢韓信為治粟都尉

太倉令

漢太倉令淳于公

堂粟辨穀

倉人掌粟之藏辨九穀之物以待邦用若穀不足則止餘法用

有餘則藏之以待歲凶而饑之周禮

以官為氏

前張嘉疏曰孝文時吏居官者或長子孫以官為氏倉氏庫氏則倉庫吏之後也前王嘉傳

躬坐庖中

傅獻簡公堯俞復起居舍人監衛州穠陽倉草場郡守檄邑官代公治出納公曰不可居其官不可以曠職雖祁寒隆暑必躬坐庖中治事不懈言行錄

古今文集

律詩

題儀真常平倉廩

劉漫塘

苦彼微官縛此身汗衣亭午亞紅塵維舟醉臥垂楊下輸與江湖自在人

送五六弟赴四明倉官

劉克莊

子去為倉氏人應重客卿須憐春飲苦勿愛金鐘贏羊貴脾神厄獲佳肺氣平親聞最關念頻寄雁傳聲

監鹽

羣書要語推東池鹵生息倍稱元微之行唐慶制以幹蠶之才

領鹽鹵之務管權條制動皆得宜白集裴弘泰制局課衍盈胡

文恭行姚頴制商利局者以饒衍名最同上行賈程制鹽鐵推

東之籍杜牧行李鄂制往幹牢盆之入頗增近監之饒胡文恭

行劉繼制征算之既衍於局次同上行牛拱辰制臨懿推之局
置無遺力沛有羨緡行毛維藩制

古今事實

均輸鹽鐵

漢置均輸鹽鐵官食貨志

舉於魚鹽

膠音國舉於魚鹽之中孟子

魚鹽富國

齊管仲魚鹽富國

國用益饒

崔公倬幹池塩于蒲修率益謹衛石煎和既精飴散乃盈商通

而荐至吏懼而循法幾不結網而國用益饒歲抄會其所入贏
羨什百詔下褒其能劉禹錫崔公倬碑

復海陵堰

范文正公仲淹字希文監泰州西溪鹽稅貽書發運使張綸復
海陵堰綸表知興化縣仁宗實錄

築捍海堤

范仲淹監泰州西溪鹽稅建白於朝請築捍海堤於三州之境
長數百里以衛民由言行錄

目為學士監

劉忠肅公摯責監衛州鹽倉先是倉吏與綱兵姦利相市雜以
偽亞入未嘗食善鹽摯悉意核視且儲其羨以為償弊減十七

古今文集

雜著

錢清鹽場廳壁記

劉漫塘

錢清鎮去紹興府四十五里而近有江曰浦陽蓋自婺之浦江發源浦江舊名浦陽也唐志載越州有府一曰浦陽乃府兵之府城基猶在有橋曰隱其而錢清之名則不知所始相傳以爲錢武肅王誅董昌於浮梁因以得名然近嘗發土得靈助廟捨路記乃會昌中碑已言錢清則名已久矣昌傳言執昌至西江五代吳越世家又言西小江豈正謂此江邪或言後漢父老持百錢送太守劉寵寵各爲取一大錢以此表其清云熙寧間部

使者盧秉論鹽課云越之錢清場江水清淡以六分爲額不言三江曹娥兩場老吏云崇寧改鹽法始以錢清分爲二場場基堆阜四環乃舊教閱之所今猶目爲教場亭民本九十餘戶戶每月出鹽一席豪民既浸奪其地邑胥又多方漁獵之復有私販通注之擾僅餘二十八戶而額不減使之均出是以重困四五十年来未嘗及額而逋負愈積矣從弟鏞孤苦力學久處上庠幸取世科頃尉東陽頗著能聲轉而爲此不敢不謹撫存亭民既爲之剔蠹疏源又間爲之代稅輸二十八戶欣然如更生而課亦隨羨遂增九分有奇廡宇建于崇寧二年適百年矣雖頽敝之甚高宗幸四明略嘗駐蹕其中鏞爲一新之倉使得十萬錢而爲屋二十餘楹宏敞雅潔什器俱備使亭民之解事者

司錢物之出入官吏皆不與居民仰嘆以爲前未有也又嘗爲
府中修山陰兩鄉海上石隄八百丈土塘千三百餘丈添砌兩
埭造南岸大石橋以便往來亦可謂勤矣去潛止三月以書來
求壁記將書前任名氏歲月之詳因爲取其大槩併記之庶後
來者有考云

重修廣州都鹽倉記

洪邁

客從東方來道南粵顧瞻其山川樂甚爲解纜少留時時游父
老間頗得聞粵中賢大夫士始財毛舉枝具一二數不悉客隘
而面之曰丈人休矣盍置此而新其說乎一人茫然長思食頃
乃言曰客果欲知之邪則吾部使者陸公真其人自朝廷合常
平鹽茶之政相更五六官因仍爲容秦蠹弗剔隄引歲月儲敝

無他而公尋端摘緒書暮嘗省利出害去適然一新顧吾能老
而已不假細語客姑告客以都鹽倉之故嶺南醴鹵爲市與他
道百而吾州南肘大海厥土廣瀉牢盆取贏又百他郡異時不
官以臨不厓以貯指庫宇數列借爲倉稱鬻鹽狎至或露積不
甯不泚于涂泥則回入主吏稽商蹄財上下一息公能出笑談
於期年峙屋二百修廊綬迴簷角鸞舞重來傑棟演迤帶泉而
吾一民不與知歲計甲乙舊爲緡錢五十萬大抵不能滯今直
數月主辦方求益縣官至上百萬未止使得如漢倉庾氏世公
子孫吾儕小人衣食而羨於鹽足矣客曰父老而不前聞昔公
爲莆陽以忠厚長者近民詠歌不可足至溢爲嘉麥靈芝爵五
邑之三瑞固已繪諸天朝特書吏官持以試南宮士榮榮然驚

入惠歛茲土如萬分一方將都通藩取介位厲行天子從官振
 前之光明詔書且下不久父老雖借亦安得常常而見之及今
 成計買石誦烈寄後日亡窮思其可也客故倦游尚能從筆研
 事父老亦有意乎皆再拜偃謝曰幸甚願卒如上客教公名渙
 字允濟長樂人客番陽洪邁也紹興二十五年四月二十日記
 古詩

送元衛弟赴長亭塩場

樓鑰

阿連生而秀二親所甚愛仲兄勤拊養遇事輒加誨幹蠱靜而
 辨胸次無卑隘今焉取宰益官字臨渤解母謂官為小要使所
 居大毋言才可了檢身到纖介我家門戶重衣冠綿數代當以
 誠心求子視勿自懈亭民亦良民孰謂俱無賴官吏既擾之兼

井責逋債熬波亦良苦樂歲色猶菜輸塩不得錢何以禁私賣
 所在積蠹久良法浸多壞吾聞不無術更當審利害熟視不為
 謀空發媿難蓋不應行一切遽使絕稱貸富者能巧取倍息久
 仍在貧者庶少寬公私可緩帶母年登九十家居幸康泰其家
 不從禮政經有深戒幸子去不遠時時可歸拜小別不足惜輕
 舟送前邁

監酒

羣書要語臨推木之酤及連敖之掌

胡文恭行孫詒制

詩句益益二年裏詩篇四海傳簡齋紛紛糟麴間欲試賢公手

東坡送歐陽我方東坐酒官曹為公燃薪炙冰硯山谷落身麴

監酒

藥盆益裏晨對梅花無酒温晁無咎和東坡梅詩憶昔洛陽董糟丘為
余天津橋南造酒樓李白寧知是官身糟麴困薰煮東坡郎官
何是筦庫人乃使驥馱隨蹇步東坡送歐陽監酒

古今事實

初推酒酷

前漢武帝初推酒酷

辨五齊名

酒正掌酒之政令以式法授酒材辨五齊之名一曰泛齊二曰
醴齊三曰盎齊四曰緹齊五曰沈齊周禮

兼用六物

仲冬之月乃命太酋秫稻必齊麴蘖必時湛熾必絜水泉必香

陶器必良火齊必得兼用六物太酋監之毋有羨食注太酋者
酒官之長也湛漬也熾炊也火齊醒熟之調也記月令

上西河兵論

陳執中

謚恭公

監慶州塩酒稅上河西兵論五篇

仁宗實錄

乞監酒稅

劉恕字道原有史學司馬光修資治通鑑奏請同編修光出知
永興軍恕亦以親老告歸南康乞監酒稅以就養東都事略

課贏升獎

慶曆四年詔舊制諸道推酷滿三萬貫舉官監臨歲滿而課贏
者升獎之國朝會典

召為正言

鄒浩字志元監袁州酒稅尋召還復為右正言 東都事略

古今文集

雜著

金壇監務廳壁記

劉漫塘

征商非周盛時推酷非漢令典迄于今不廢經費所仰不可已
已故庀其賦者為難蓋利怨府我實征之酒狂藥我實售之怨
斯譁狂斯侮所操一舛於正殆矣監金壇縣酒稅務吳門茅君
岳始至得臨川羅君愚黃岩杜君範為同僚相尚以義自初上
庶比再書考費必已出市物必平估客至須盃酒接殷勤命索
之家故前大夫石君不吝借其至之晚今大夫王君暨張其去
之速郡守貳咸上其名於朝昔人謂貪吏之商不如廉吏之商

九矣前替十日次第前人名氏亦記於余會方結廬漫塘上沉
不克文輒書君之實以諭來者

發女征官題名記

劉漫塘

國家以酒稅命官殆徧區宇夫酒狂藥利怨府導其狂而責之
直冒其怨而奪之有二者均非得已然酒猶因所欲售之稅則
強之耳奪之耳故官為尤難其治必宅於闔閭必間於賈區塵
眯目而不能視聲聒耳而不能聽求龍斷而登之其術然也居
是官者雖甚文雅不屑世紛亦倥偬而無寬閑之度澳汨而無
文字之娛堦澤之呼相似其居然也吾友趙君君父之在婺獨
異是蓋婺雖東南大州而地非江海之濱無驟至難得之貨人
染詩書之教無好奇喜異之習君父又能嚴以杜其欺而寬以

惠其來故龍斷之術不施而稅入有裕治所自故集撰王公裴
在幕府時重建高其閑閑遂其庭宇室焉可以環詩書亭焉可
以羅尊俎清池可監名花翠竹可玩以嬉居父又以其餘力葺
而新之日與其僚之賢及里居之名勝游焉故雖官守而得
澤之益屢帶而有林泉之趣曰居能移人始信然與既又撫事
與懷謂自有此州卽有此官而一再代更輒湮沒無聞後之視
今將如今之視昔可歎也乃哀前人名氏得魏忠忠孫大亨而
下二十有一人書之石而虛其左以待來者居夫之意微矣雖
然是猶爲人中以下記也若夫賢者所居官理所去民思蓋有
歷于百年如一日者而書不書何算焉故予特爲序是邦稅入
之有常俾勿墜治所之有章勿壞云居父名若瑤丙戌之科進

士賢慶丁亥小至日記

議酒

何恭

推酤之興久矣桑羊建白之武帝力行之千秋奏罷之新莽重
立之絕於魏起於陳盛於唐大闢於當今之世其本益深其源
益固其所害者多所利者寡雖有非常之智弗能去其害也雖
有不世之略弗能益其利也盜溢日益起爭奪日益繁獄訟日
益長刑辟日益峻非約以便宜逮以中道則淳厚之化其何以
致哉昔武帝之世騁志四夷兵資國用皆所不贖則致之者乃
其推也孝昭之世海內休息務以仁政緩懷於民則廢之者亦
其宜矣及新莽詭制強復其法然歷東漢魏晉數百年間而弗
復用焉及陳氏膺統文帝當御始下詔令恢而襲之至于有唐

厥制漸備或定其酷戶之稅或三等之目可古相半損益相兼
行於一時稍得其便京都免推以優乎太衆之聚五州權翅以
當于營賣之利隨所利害以爲定法載在前史灼有明驗我宋
紹任有制焉王城之中則征其藥而不征其市閩蜀之地則取
其稅而不禁其私四方郡國則各有常推軍旅之餉非是不能
給也幣藏之實非是不能充也歲時之課非是不能定也醴茗
之局非是不能並也其名雖異而其課則同其法則三而其利
則一課既同利既一則天下之制可以盡一矣然朝廷所以不
一者蓋將優遐迹之徼而重畿內之民誠深利矣孰若兼四海
而利之且盜濫爭奪天下之公患也獄訟刑辟天下之大殃也
今王城之中則亡其公患閩蜀之地則奔其大殃其餘郡國則

兼殃患而有之嗚呼亦仁者之所非愚以謂京都之內則宜遵
舊常之法天下郡國則宜通閩蜀之制無損於課而課以之集
不妨於刑而刑以之首可以遵仁政可以息爭心前所謂酌其
便宜而建以中道者莫大於此

酒官箴送趙禹仲之官常州

劉漫塘

惟酒亂德先聖所惡子方妙年而司推酷然古君子哉思其居
既居其取可不思歟出納之吝有司之謂會計必當毋付之吏
市道之常有取有捨毋較勺合以杜來者貧民竊釀不過斗升
以奉耆老以合親朋毋信譁徒破益贏瓶飲者必醉醉則慢易
撞擔呼號罔知所忌是能容之無貴正理信能行此上下相安
遠濟世美邇奉親惟萬里東塗爾車俶載尚謹旃哉毋輸爾載

律詩

春日懷陳州監酒徐安中

曾存之

官壚呼酒趁春期，正是糟漿破鼻時。錦繡未聞吟玉案，笙歌應且引鴟夷。

詩話

題詩知名

劉季孫字景文，監饒州酒務。王荆公為江東提刑，巡歷至饒，按酒務，始至廳事，見屏間有題小詩，曰：「呢喃燕子語梁間，底事來驚夢裏閑。說與旁人應不解，杖藜携酒到芝山。問專知官誰所作，答以季孫詩，即召與之語，嘉歎升車而去，不復問。務事既至，傳舍適學生持狀請差官攝學事，公判監酒殿直，一郡大驚，遂

知名 石林詩話

監茶

君書要語

領算商車典臨茗局

胡文恭行孫諮制

古今事實

好學有文

章望之字表民，好學有文。監杭州茶庫，逾年辭疾去。東都事略

管庫十年

呂希哲字原明，前後為管庫者幾十年。同上

監鎮

事文類聚遺集卷十四

十四

三十一

古今事實

不行市易

蘇軾奏云趙挺之元豐末通判德州黃庭堅監本州德安鎮挺之希合提舉官王景崇意欲於本鎮行市易法庭堅謂鎮小民貧不堪誅求若行市易必至星散公文往來士夫傳笑長編

召為檢討

黃庭堅字魯直李常見其詩文以為超逸絕塵獨于萬物之表者由是聲名始震監德安鎮召為校書郎為神宗實錄檢討官事略

監門

古今事實

不用上疏

鄭俠字介夫監安上門安石將以為經義局檢討俠辭會時大旱不用俠於是上疏併圖上之東都事略

古今文集

律詩

送周監門

一領青衫似敗荷奈君母老秩卑何三年幕府無人薦常日柴門有客過身畔檐輕藏俸少江頭缸重載書多故人若問軍中事為說防秋夜枕戈

監場

古今事實

好儒稱薦

王且監潭州銀場何承矩好儒士形於稱薦東都事略

監稅

君書要語

監司商筭

胡文恭行段政制

古今事實

公誠有德

呂希哲字原明熙寧初監陳留稅章樞密察方知縣事心甚重

之。一日與公同坐。遽峻詞色。折公以事。公不為動。章嘆曰。公誠有德者。我聊試公爾。張橫渠曰。雖蠻貊之邦行矣。於呂原明見之。榮陽公家塾傳

古今文集

雜著

金壇縣監務廳記

劉漫塘

征推之官在縣者與主簿尉比以承其長而公廉獨不具將力不贍與抑官用武選邑長不以聯事合治視之與監金壇縣酒稅務廨占慈雲寺西廡且百年慶元中改用繫官之宇於縣治東南隅距務可百步通在焉於公私為宜而屋僅五間橫陳道側無闔與之限人語雜聲雜聞道上臣者病之嘉定辛未春保

義郎廖君昌緒寔來。君有母就養，知縣黃君朴慨然曰：是豈寧親地耶？即會縣帑之贏，得二百緡以授廖君，俾即其地撤而新之。廖君亦輟俸以侑，且百緡啟其前為庭，崇其後為堂，室處中嚴，垣墉外固。雖草創未備，然過者肅然，識官府民居之異。晨夕阜隸，犇走庭下，截然知上下之別。廖君抑可謂能大所居之官矣。既成，造余門曰：願有述，俾來者無忘黃君之德。余於是有感焉。夫同官為寮，古人所重，而近世不然。其朝夕角立，能逢迎以私，則已不則相軋相傾，惟恐其居之安，去之不速，或不幸有去者，復掠其美，委其過，歸之。其於古義，何有哉？方此時，有人焉，如黃君汲汲於同僚之私養，惟恐其居之不安。廖君奉奉於長官之公惠，惟恐其美之不著，是可紀也。黃君介不受私，明足以察

去不以罪，踰年而民逾思之。廖君，儒家子，政不苟而事集，是又可紀也。紀之以詔來者。廖君之請，因之以著為僚之義者，余之志也。記成於歲癸酉孟春中浣。

征官箴送趙居父之官婺女

劉漫塘

於皇聖朝，官以民置。惟時司征，職分民利。見利思義，君子則然。義苟未明，性以習遷。晨起坐曹，百貨環萃。顧瞻後先，目動心醉。用焉而便服焉，而宜則賤售之，以歸其私。曰：時之新，曰物之異，則籠取之以媚其貴，有竊有攘，或乞或假，則故縱之以惠其下。滔滔皆是，誰以易之？有不苟同，景星鳳芝，宜持其平，而制其弊。使下無怨，而上不價。時方營營求利之贏，額徵其故，歲課其盈。日比月校，而責所負，吏奉急符，闕如。虎財非天，雨亦豈鬼，輸

彼士農工視我蔑如。惟此商人星馳露宿。侯此毫分。仰事俯育。未能輕之。忍故增之。亦既割下。忍復奪之。賢者處此。益車之驥。欲足之展。而與之曳。抑余有言。人毋自畫身正。令行意誠。物格兼斯二者。可通神明。明明上官。寧莫我聽。寬之一分。聞于四遠。水浮陸奔。我舟我輦。昔憂其乏。今見其餘。謂余不信。請質詩書。

送陳孟明監常州稅序

劉漫塘

陳君孟明。累世高科。亦有工詩。與蘇後湖為友者。實吾里望族。君累試場屋不效。去從故樞使薛公游。公嘉其秀整。表表於親黨間。欲命以官。而君於親親之序。為後。遂處之右階。授常之征官。將行。觀其色。赧赧然。漫塘叟於君家有再世契。酌而送之。曰。人自一命以上。皆足行志。惟貪刻不可為。君自今以始。倘能恕。

以臨事不剝下。以媚上。庶以自律。不背公。以營私。則人稱之行。道傳之。上官薦之。明神祐之。由是以踐世科。登膺仕。無難者。不然。則今之鳴玉曳履於縉紳間。自謂一世清流。而為人所唾視者。多矣。獨右階乎哉。君曰。唯唯。則書以贈。

古詩

送晁監丞赴婺州關市監稅歌

王元之

關征市賦。縻賢俊。誰愛此官。為吏隱。將作晁丞。于役時。婺女星。臨海邊。郡黃絹。辭高位。尚卑。白華行。縈身猶困。會待時來。即併伸也。知道在終。無悶。君不見。路隨含笑。坐市中。屈身豈愧。丹陽尹。又不見。張生任。醉戀揚州。冬瓜堰。下其肥遁。此行况是。奉皇華。數丈輕船。載一家。攜瓶下岸。買竹葉。挂席背風。穿蓼花。霜晴。

震澤初嘗藕，泉過惠山應。試茶虎丘晚，雲靈隱雪錢塘。夜潮照明月，密排詩景在途中。放吟新句校兒童，漸近金華見隼旗。五鳥來迎使者車，應知驥足暨拘絆。八詠樓開頻故宴，醉中官效乞詩刻。溪紙貴抄新詞，他時誰進子虛賦。詔入金門五雲路，追思元白在江東。不似晁丞今獨步。

律詩

送內弟汪強仲赴台州稅官

樓鑰

雕鞍去去不容攀，柳下門墻輟往還。可但征商私龍斷，不妨拄頰看中山。右軍墨妙惟修禊，太傅才高亦抱關。咫尺親庭母苦戀，有人能伴適齋閑。

送次公子之官安仁監稅

楊廷秀

汝仕今差晚，家庭莫恨離。學須官事了，廉忌世人知。爭進非身福，臨民只母慈。關征豈得已，龍斷欲何為。

送昔監稅滿替

劉漫塘

但了官中事，都無俸外錢。妙年能爾耳，晚節更須堅。

新編古今事文類聚遺集卷之十五

建安 祝淵 宗禮 編

金陵 唐富春 子和 刊

路官部遺

司法 此下補外集司獄之後

歷代沿革 漢有決曹 賊曹 掾 主刑法 歷代皆有 或謂之賊曹

法曹 黑曹

隋唐更革

與司戶同

唐掌律令定罪盜賊贓贖之

事宋 治唐制諸州置司法參軍 掌議斷刑 呂同司戶 紹興二十

年權行減罷後復舊

羣書要語 官有決平之司 無舞文之過 杜牧行楊元改充京兆

府法曹制

參法律曹

胡文恭行朱達

往司三吏之律初有

通之論

同上行陳元良制

詩句幕下風流法曹掾

楊誠齋

袁州司法多兼局日暮歸來印

幾窠

山谷

古今事實

古義決獄

張湯以兒寬為奏獄椽以古義決疑獄湯甚重之

用法平正

後漢郭洪為潁川郡法曹掾治獄四十年用法平正郡內比之

東海于公

斗南一人

狄仁傑字懷英為并州法曹親在河陽仁傑登太行山及靜見
白雲孤飛謂左右曰吾親舍其下蘭仁基曰狄公之賢北斗以
南一人而已

民歌佛子

尹正義為澤州都督府法曹百姓歌之曰前得尹佛子

入為理丞

裴遵度志氣深厚敏機鑒達以門蔭累授潞府司法時年已老
亦為人所知授大理寺丞剖判州獄理行始著

為政寬仁

徐有功累轉蒲州司法為政寬仁不行杖罰吏人感其恩信遍
相約曰若犯司法參軍杖者必斥罰之由是人爭用命終於代

浦不戮

滌事明濟

顏泉卿字昕為遂州司法參軍性剛直滌事明濟嘗為刺史詰讓王色別白不為屈

使域請代

狄仁傑為并州都督府法曹鄭崇質母老當使絕域仁傑謂曰太夫人有危病而公遠使豈可貽親萬里之憂乃請代崇

豪縱按治

韋湊遷揚州法曹州人王神爽罷仁壽令豪縱數犯法及通貴戚史莫敢繩湊按治杖殺之遠近稱伏

斷獄平恕

韋仁壽大業末為蜀郡司法書佐斷獄平恕其有得罪者曰韋君所斷久而無恨分紀

疑獄口對

杜佑嘗謁潤州刺史韋元甫元甫未之知也他日元甫有疑獄不能決佑時在傍元甫詢於佑口對皆其要元甫奇之奏為司法

與大尹爭

公為京兆法曹日伏階下與大尹爭是非大尹屢黜已見韓愈誌董溪墓

議貸固爭

齊澣調蒲州司法參軍有父子連坐論死者澣曰條落則本枯

奈何俱歿議貸其父太守不聽固爭卒原

舶貨不售

杜純字孝錫終兵部侍郎為泉州司法舶商歲再至異貨山積
吏私與市幸不誰何舉郡吏爭與市惟純不售一毫人亦莫知
後事發逮獄而純不與哲宗實錄

遇事不屈

蕭敏之辟襄陽司法府捕強盜陳大漢十二人不獲鄉民羣行
適符其數巡尉執送官不堪皆掠皆誣伏公約法疑之曰帥移
獄已而獲真盜闔府嗟異禮侍陳楠來守公遇事爭辨不屈楠
嘗曰司法突兀長身他日真御史也周益公集

議獄合情

賈易字明叔調常州司法參軍自以書生不閑法令每議獄唯
求合於人情曰人情所在法亦在焉訖其去郡中稱平四朝國

議事守正

楊龜山先生授處州司法燭理精明曉習法令有疑獄眾所不
決者皆立斷與郡將議事守正不傾淵源錄

任情不從

李承之字奉世為明州司法郡守任情縱法人莫敢辨承之獨
執不從守怒曰郡掾敢如是耶承之曰事在公自斷可也若
在有司當循三尺法守憚其言哲宗實錄

奉公不苟

傅忠肅公察字公晦公任青州司法參軍徐處仁余深繼守青

州徐長於治民屢試以事知其奉公不苟言行錄

從游伊川

馬伸字時中初元祐學有禁伊川之門雖宿從游者以趨利叛去公求為西京法曹銳然為親依之計先生初以非其時恐貽公累公執贊凡十反愈恭先生歎曰此直有志者引而進之自爾出入凡三年公暇雖風雨必日一造焉淵源錄

見知東坡

東坡守錢塘毛滂澤民為法曹公以眾人遇之秩滿辭去是夕宴客有妓歌別詞云今夜亂山深處夢魂分付潮回去公問曰此何人所作荅曰毛法曹製公語坐客曰郡僚有詞人而不及知軾之罪也翼日折簡追還留連彌月澤民因此得名本事曲

不識一面

晁詠之字之道補之從弟也為揚州司法參軍未上蘇軾知揚州補之以詠之詩文獻軾曰有牙如此獨不識一面耶久之詠之具參軍禮入謁軾下堂挽而上之顧謂坐客曰此奇才也事畧

名聞天下

曾鞏游太學歐陽見而奇之自是名聞天下調太平司法參軍召入脩史館書籍同上

古今文集

雜著

真州司法廳壁記

劉漫塘

漢太守自言奉三尺律令從事。今司法參軍則奉三尺律令以與太守從事者。得其人則政平訟理。善人勸焉。淫人懼焉。易則否其所繫。何如哉。而位乃在諸曹下。安一男子朝入吏部。藉莫注。一民曹而來。則如積薪。然後來居上。法曹雖已。一再更或舉者。已圓轍俯者。下之何哉。法者聖人所重。而用法非聖人之得也。惟法者聖人所重。故官必取於已試。惟用法非聖人得也。故位不先於同列。雖然。此一說也。抑有遺說焉。且法曹所與聯事合治者。非刑曹錄事乎。又其上非從事與守若貳乎。錄事多典右獄。則與刑曹均獄掾耳。獄掾以獄之成。上于府。法曹曰未也。則獄掾亟抱具獄而治之。雖甚怠。敢莫較。法曹差獄之麗于上。府從事與守若貳曰未也。法曹則持之堅。辨之力曰當是也。乃

已守若貳。雖甚殺。莫能奪。夫以一府之所是。莫能勝。法曹之所非。一府之所非。莫能勝。法曹之所是。則法曹之勢張甚。夫翕而張。天之道也。獨法曹乎哉。真為池州地。褊而民淳。歲斷獄。視他州絕少。故法曹事甚簡。才者無以自見。不才者無以自免。比年城日加闢。地日加重。事日加煩。從事雖甚敏。莫能勝。則選法曹左右之友人。趙用之。宗籍之英。士林之秀。以才辟置。足以大其官。而張前乎此名氏。不著。乃稽故府得某人。以下若干人。將刑置壁間。以其昔嘗濫巾焉。俾為之序。故為力言。是官所繫之重。使來者知昔之位。若為不苟。而不敢卑其官。今之權任。為有。而不敢怠其事。云。紹定改元五月記。

古詩

事類彙編

卷之十五

送趙司法

唐子西

休沐猶坐曹。伏白不歸解。平生熟大法。餘事工小楷。有種霹靂手。作縣真癡疥。鮑宣雖強項。臨事中實駭。一子罰自視。此理須少戒。

律詩

送平江趙法曹

劉漫塘

金科天上耿星辰。丹筆年來有屈伸。子去平反供母笑。民知寬大頌君仁。祇今茂苑題輿客。曾是瓊林合席人。若問殘生煩寄語。扁舟長占五湖春。

贈其法曹

張于湖

北岳仙人汗漫游。斯文曾到海邊州。誰怜詩禮其公子。牢落青

衫向白頭

贈黃法曹

張于湖

吾友黃升卿。乃是天下士。一官法曹椽。整整老胥忌。詩話

觀梅動輿

杜詩東閣觀梅動詩興。還如何遜在揚州。師云何遜梁時人。孫云何遜作揚州。法曹廨舍有梅花盛開。遜吟詠其下。後居洛思梅花再請其任從之。抵州梅花方盛。遜對花彷徨終日。見東坡王定國倅揚州詩註。

司戶

歷代沿革漢魏以下有戶曹掾主民戶北齊以下與功曹同

有戶曹參軍文帝時為司戶參軍煬帝為司戶書佐唐開元

復為戶曹參軍掌戶口籍帳婚姻田宅雜徭道路之事在府

為曹在州為司梁開平省六曹掾屬留戶曹一員通判六曹

宋沿唐制諸州置司戶參軍掌戶籍賦稅倉庫交納通典分

紀聖朝職略四朝志

元祐令中州從八品下州從九品乾道

六年汪大猷乞令司戶專主倉庫

羣書要語曹羣也戶曹民所聚也韋昭釋名祠曹賦籍之要司

白集行李北京兆尹戶曹制以三語自試同上

詩句桂林戶掾舊能文楊誠齋才華汝尚為永掾王介甫三語

又為掾大家聞屈聲歐陽詹送潭州陸司戶之任

古今事實

元素清吏

張元素仕隋為景城縣戶曹竇建德陷景城執將殺之邑人千餘號令請代曰此清吏殺之則無天也

七品要官

李素高祖令授七品清要官所司授雍州司戶上曰此官要而不清

河東三絕

唐徐彥伯改蒲州司兵時司戶韋嵩善判司士李直工於翰札而彥伯以文詞推美時人謂之河東三絕

素有仁愛

裴守貞父謹隋大業中為淮安司戶參軍屬郡人楊琳田瓚等亂惟以謹素有仁愛故賊約其屬無敢害護送謹及妻子還鄉宗且罵賊

邕州司戶宗且常白知郡陳瑛言儂智高必叛瑛不聽及城陷宗且嫚罵賊被殺

號念珠曹

京兆戶曹月俸一百八索號為念珠曹南部新書

謂霹靂手

唐裴琰之為同州司戶年少刺史李崇義輕之州中積年舊案數百道崇議促琰之判琰之命書吏數人連紙筆酒更剖斷並畢崇義大驚曰公何忍截鋒以成鄙夫之過是大知名謂之

霹靂手

南山判

李元紘遷雍州司戶時太平公主與僧爭碾磑公主方承恩用事百司皆希其旨意元紘遂判還僧寺長史竇懷貞大懼勢促元紘改判元紘大著判後曰南山可移此判終無搖動

作歡喜詩

杜審言為吉州司戶武后召見將加擢用問曰卿歡喜否審言蹈舞謝恩因作歡喜詩甚見稱賞分紀

作措大官

蜀王宗錫責授雍州司戶參軍問吏曰參軍何官衣何服吏曰下州判司綠衫槐笏而已宗錫大笑絕倒曰若頭便斬去吾何

能作措大官耶 元國志

官至司空

後漢陸績李邵皆仕郡為戶曹吏邵官至司空

詔為御史

韓思彥為州司戶上召問不見卿久今何官思彥始道所以然上謂宰相曰此亦太屈詔為御史

不行鞭罰

韓思復改汴州司戶仁恕不行鞭罰

不事儀矩

李之才字挺之任孟州司戶挺之坦率不事儀矩時范忠獻頗不悅挺之自若也後忠獻建節移鎮郡寮送至境外挺之但別

于近郊味幾忠獻請守安陸過洛故吏無一往者獨挺之公檄往省之忠獻始稱歎遂受知焉 言行錄

商確古今

洪文惠公守徽州時范石湖為戶參洪公博洽精明公由此究心吏事洪公喜且與公商確古今嘗曰吾視君齒必至兩地君其自愛

共稱文章

曾鞏初為太平州司戶守張伯玉前輩人也歐陽公王荆公共稱子固文章伯玉殊不顧問語子固吾方為六經閣其為之記子固凡謄藁六七終不覺伯玉之意謂子固曰吾自為之則曰六經閣者諸子百家之書皆在焉不書尊經也子固始大畏服

益自勵於學矣同上

試為校理

晁補之字無咎王安國一見而奇之為澶州司戶參軍召試為

祕閣校書東都事略

除大學正

蔡肇字天啓長於歌詩為明州戶掾除大學正事畧

古今文集

雜著

河南府倉曹參軍廳壁記

梁肅

倉曹掾祿秩位次載於甲令在漢魏間與參軍事其職各異五府及州郡皆有其官北齊天保中又授參軍以繫官曹之號蓋

取夫以文吏而參武事階由之國家亦因之河南府領二十六

縣為王東郡環地千里邦畿之內征賦之入凡芻粟之物皆於

其司一都之移用郡吏之稍食又出焉故其務殷其事積常為

他曹劇居之者不勤則廢不廉則敗不明則耗乾沒之患生其

職或擢居南宮及御史府故有司常綜其名實攷其功緒然後

授伊陽張君閩鄉李君今竝為其官李以貞固稱張用文敏著

予謂命官之職事與一掾之才美不可以不紀遂直筆書之其

兩曹位次與前政名氏端如貫珠列于記之左右

送楊子聰戶曹序

歐陽脩

士之仕於州郡者必視其地大小高下之望以為輕重河南太

府也參軍雖卑以望而高下之固與他州郡異矣然地大望高

居者皆將相名臣。吏民間坐而偶語道某將某相某官者。常名斥而一歲數之。至於郎官御史方鎮牧守使人貴客由河南出者。入不候於疆。去不餞於郊。途逢而不避。市坐者不起。豈素慢哉。蓋其見之習也。彼視公卿大臣要官。其易如此。矧所謂參軍者邪。其不羣朝而隨。悔之幸也。參軍每上府。望門而趨。更摩以有過不揖。反就焉。持刺執版求通姓名。雖心負其所有。欲進自避不可得。其勢鬱上。卑且賤。反甚於他州郡。故爲之者未嘗樂也。然其間能自以頭角頎然而出者。鮮矣。其才難之美。非有異乎。衆莫能也。戶曹參軍楊子聰居府中。常衣青衫。騎破虎鬚。出入府門。下人固輩視而槩易之。居一歲。相國彭城公薦之。集賢學士謝公又薦之。士之有文而賢者。盡交之。其能出其頭角。

美若去而之他州郡。不特頎然而出。美遂特傑然以獨立也。子聰南人。樂其土風。今秩滿調於吏部。必吏於南也。吾見南之州郡有傑然而獨出者。必楊子聰也。

逸將司戶之官饒州序

洪邁

凡參軍事于州者。率不減四五員。司戶蓋位法曹上。而常與錄曹通職。連事不顯。決故初策名者。輒調焉。最閑且清。上官指爲無所事。臺府檄交牛道上。至局局奔命。不暇敢寧厥居。以車馬家以官舍爲傳舍。士大夫平生數郡縣。吏能否從一干石下。洎尉某賢於某若干。低卬卑尊。獨不及司戶。非擇而議焉。實固然也。夫建置一官。非苟而已。司戶雖不當位。然訟獄之平亭。倉庾之入出。庫錢出自幾何。或受奉于粮料者。與實不相應。且當

與聞之是其在。一郡不為薄能。敬吾職亦足稱善。更指為無所
事。不可乎。丹陽蔣君。別其親大夫公于頓。將司方吾州。其為
久清。慈介彊飽學。問自輔正于此。官猶辦有餘力。前之云云。雅
非為君設也。予家番城中。薄西北邊。有園可十畝。竹樹池臺。致
足。清樂再歲。於是歸心日東。馳暇時儻一至。為與君家三徑。雖
良。不睥視他日。局局道上時定如何也。

吉州司戶廳緩齋箴

周必大

戶曹掌州帑廩。或行獄訟事。皇族公括字仲肅。甫官廬陵。
以緩名。為西清楊公首為之銘。而前進士周某又為作箴。
蒙莊著書。假緩戲儒。吟表三年。佩玦一夫。寓言荒唐。亡是子。差
孰如經傳。眾說之鄂。薄征緩刑。職分司徒。議獄緩歿。卦畫中孚。

秦 晉疾和與緩俱。上醫命名得無意乎。掾介諸曹。蓋反三隅。
勿以朱博嫉齊之舒懼。其奮髯易服走趨。當師謝安。理髮自如。
豈為強禦。不遲起居。勇義果德。抑難此拘。能定能應。匪亟匪徐。
官皆有箴。敢敬終初。

古詩

送趙英仲司戶

楊廷秀

紹興人物趙戶部。身作長城護瓜步。佛狸送死綠有人。猿臂不
侯得非數。只今曾孫戶掾公。更能官政有祖風。南山可搖判難
奪。東海不寬陰有功。吾州尚了本曹印。謁帝明光當得觀。秋風
正緊送搏扶。萬里程塗人莫問。

送吉州司戶

黃山谷

吉州司戶官雖小曾屈詩人杜審言今日宣城讀書客還趨手
板傷轅門夏氣涼生土囊口周鼎湯盤見科斗清風古氣滿眼
前乃是戶曹報童還只今書生無此語已在貞元元和間
律詩

送陳戶曹之官襄陽二首

劉克莊

丞相曾參督府謀郎君今復贊邊籌彼哉金谷飲長夜去矣王
閔防盛秋尺度豈能拘快士功名端不在中州習池水滿堤花
艷安得相陪賦遠遊
幕府秋風事日生參軍疋馬去兼程起為楚舞何其壯吟退胡
兵在此行且喜峴山碑有跋不愁江表傳無名老儒能復封侯
夢止願躬耕看太平

武學

此下補外集儒學教授之後

歷代沿革唐開元中始置太公尚父廟以留侯張良配中春中
秋上戊祭之牲樂如文宣仍以古名將十人為十哲配享正
元元年尊太公為武成王以白起韓信諸葛亮李靖李勣列
於左張良田穰苴孫武吳起樂毅列於右以良為配建中初
詔考定可配享者列古今名將六十四人圖形焉並唐書
大中祥符元年詔尚父宜加謚昭烈武成王慶曆二年詔置
武學于武成王廟以阮逸為教授八月罷武學以議者言古
名將如諸葛亮羊祜杜預等豈專學孫吳故也熙寧五年樞
密院言古者出師受成於學文武弛張其道一也祖宗嘗建

武學橫議中輟識者悼之欲乞復置武學以追成先朝之志
詔於武成王廟置學紹興十六年詔脩建武學

古今事實

命去白起

宋建隆二年先是上臨幸武成王廟觀所畫白起曰起殺已降
不武乃命去之

宜升管仲

四年詔曰武成王廟從祀神像齊相管仲宜塑像升于堂西河
太守吳起回畫像降于廡下

以祀孔子

孔子所以祀於學者禮有先聖先師故也自生民以來未有孔

子也豈太公得與之抗衡哉温公通鑑論

武學博士

武論附

歷代沿革宋慶曆二年置學始以阮逸為之宋官制未幾熙

寧五年樞密院乞復置武學選文武官知兵者充教授仍差

韓績判武學郭固同判朝臣以上判學續會要武學教授如

國子置直講元豐官制行改為武學博士教授蔡碩就除博

士建炎兵興廢紹興十六年詔令臨安府脩建武學二十六

年詔武學博士學諭各置一員內博士於文臣有出身或武

舉出身曾預高選人充其學諭差武學人中興會要後又除

文臣之有出身者

羣書要語爾惟師屬母專韜畧鄭補之擬制典教右學曲阜行

武博制諭導之職鄭補之武諭制

古今事實

訓誘學者

宋武學博士學諭各二人掌以兵書弓馬武藝誘學者四朝志

宗學

歷代沿革漢平帝詔朕惟宗室皆高帝子孫令置宗師以糾之致教訓焉明章一帝友愛子弟雖各有目幼者率留京師訓導以禮養和染教皆為良善唐高祖詔宗室子孫就秘書外省別為小學唐儒林傳序宋曾監之外復立宗學始創於神

宗至崇觀而大備中更禍亂宗學遂廢南渡草創為室數楹暫寓臨安之睦親宅更化之後以羅仲舒范楷奏請有旨遷睦親宅於他所而畫拓故基以為學焉案宗學謝表及題名

古今事實

補負定額

宋南渡更化乃增補負定試額凡陞黜進退之制槩視太學宗學題名記

重廣學舍

嘉定更新宗學置四齋曰貴仁大雅明賢立愛辛巳重廣學舍添兩齋曰懷德曰升俊

古今文集

事文類聚續集

卷之十五

十六

雜著

寧宗皇帝御書綾紙贊

宗庠載闢用廣舊規所以昭崇睦廣教育也惟麟趾化行瓜瓞綿茂雖資稟之攸厚必陶冶而後成俾錄選補著之于籍月書季放一視賢關文行相符矩矱是蹈庶廣收得人之效強我王室尚其茂哉

宗學登科題名記

淳熙甲辰之冬皇上奮發英斷更新太化又明年以麟趾之胃苦墮肝膽力扶綱常於是赫奕奎文誕錫黌宇賜之東臬試之春官優之陞擢

宗學博士

宗諭附

歷代沿革宋宗學博士舊諸王官太小學教授也至道元年太宗將為皇侄等置師傅執政謂環衛之官非親王比當有降乃以教授為名咸平初遂命諸王府官分兼南北宅教授南宮者太祖太宗諸王之子孫處之所謂睦親宅也崇寧五年又改稱某王官宗學博士國子博士之上靖康之後宗學遂廢紹興四年始復置諸王官大小學教授二員隆興省其一嘉定九年十二月始復置宗學改教授為博士又置宗學諭一員並隸宗正寺博士在太常博士之下諭在國子止之上俸給賞與依國子博士及正體例於是宗室疎遠者皆得

就學而彬彬可觀美旋有旨復存諸王宮大小學教授一員
羣書要語庶子之正於公族者教之以孝悌睦友子愛明父子
之義長幼之序注正者政也庶子司馬之屬掌冏子之俸為政
於公族者記文王世子

古今事實

追琢宗英

宋寧宗更化之十載聚四方之宗英而追琢之顯隸宗寺以卿
總其要而置博士及諭泄其凡越二年羅仲舒范楷為是職惠
篤有敘程督有經立愛愈周為法亦密矣題名記
善屬文為

唐庚字子西善屬文為宗子博士張商英薦其才除提舉宗

常平東都事略

文學知名

王安中字履道自號初寮先生政和中監大名倉以文學知名
除宗學博士

官觀部遺

總宮觀

歷代沿革宋設祠祿之官以秩老優賢祖宗時員數絕少官制
舊典云祖宗待臣以禮雖年及掛冠未嘗直令致仕皆以官
觀處之假以祿耳熙寧以後乃增焉是時方經理時政患疲
老不在事者廢職欲悉罷之乃使任官觀以食其祿時相王

事文類聚遺集 卷之十五

安石亦欲以此處異議者遂詔宮觀母限負拉差知州人以

三十日為任四朝志

羣書要語式建琳宮除向敏中制養恬真館初案除劉緯制退

安真館之游歲表類總司靖館夏英公贈王曾詔總使直廷除

王曾燕會靈觀制祠庭置使實近關門荆公答富鄭公詔總琳

房之職胡文恭行劉永叔制領秩真宮曲阜行劉奉世制哲安

神館之游宋歲表脩香火之因久退安於散地閒館珍臺獨

揖浮丘之袂灑掃真祠拜賜散人之號並同上

詩句魚書曾替代香火有因緣劉黃得詩莫歎老病未歸身玉

局他年第幾人東坡送戴家玉局觀詩

古今事實

總祠真館

天聖中除王曾兼玉清昭應宮使總祠真館

有負無職

元豐元年李承之言近年以來內外官觀約百餘員無職亦職事虛費廩食不下數萬緡乞今後在京官觀毋得過十五員諸路倍之所實勤勞官守之人有以區別不虛費國用會要

古今文集

雜著

論古有職而今甚輕

本朝先未有祠祿但有為某官某觀使者皆太官帶之真不是主督本宮本觀御容之屬其他只是監當差遣雖嘗為諫官亦

有為監當者如監場酒務之屬自王介甫更新法慮天下士大夫議論不合欲一切彈擊罷黜又恐駭物論於是創為宮觀祠祿以待異議之人然亦難得惟監司郡守以上春禮優渥者方得之自郡守以下則盡送部中與監當差遣後來漸輕今則又輕皆可以得之矣 朱語錄

律詩

方寺丞除雲臺觀

劉克莊

河嶽腥膻憤未忘
羨公遙領舊靈光
草荒太白騎驢跡
雲冷希夷委蛇棠
定有遺民來獻土
可無散吏去焚香
吾聞同華多奇觀
不比炎州寂寞鄉

詩話

暫還復召

張忠簡公聞奉祠陛辭上曰卿姑暫還秋涼復召卿公既返詩云八請犯天顏今朝出漢關渾如倦飛鳥日暮傍巢還 周益公集

在京宮觀

歷代沿革 **宋**舊制以宰相執政充使或丞郎學士以上充副使

兩省或五品以上為判官內侍官或諸司使副 政和改武臣官制以便為大夫以副使為郎

為都監又有提點提舉主管

官其戚里近屬及前宰執留京師者多除宮觀以示優禮之

意 四朝志 紹興二十一年在京宮觀依在外官祠以三十箇

月為任 中興會要 又紹興五年詔任在京宮觀請給人從前

宰執依見在減十分之二閣學士已上依六曹侍郎直學士已上依中書舍人太中大夫已上依左右司郎中任樞密都承旨閣學士已上依六曹尚書直學士已上依六曹侍郎太中大夫已上依中書舍人

宮觀使

歷代沿革唐天寶七載以給事中楊釗充九成宮使官使之名自此始南部新書宋祥符中真宗建玉清昭應宮王魏公旦為首相始命充使官觀置使自此始然每為宰相兼職天聖元年呂夷簡為相時朝廷崇奉之音稍緩因請罷使名石於燕語徽宗建玉清萬壽宮乃命宰執兼使副用真廟故事也

近以前宰執奉朝請者領在京官觀使而在外舊相只除提舉官觀非祖宗優待宰相之體靖康以來猶未釐正蓋朝廷未暇講也官制舊典政和八年太師魯國公蔡京少傅太宰鄭居中少保少宰余深檢校太保領樞密院事童貫並兼充神霄玉清萬壽宮使知樞密院事鄧洵武門下侍郎薛昂中書侍郎白時中尚書左丞王黼宣和殿大學士蔡攸並兼充副使

羣書要語祠庭置使實近關門荆公集本富弼詔總使真延王

古今事實

景靈宮使

明道中錢惟演以使相為景靈宮使又祥符七年宰相向敏中為景靈宮使

會靈觀使

祥符九年參政丁謂充會靈觀使

祥源觀使

天禧五年樞副錢惟演為祥源觀使

醴泉觀使

治平中武康節度李端愿為醴泉觀使使相節度領內拘自此始也

集禧觀使

治平四年富弼以觀文殿大學士充集禧觀使

太一宮使

元祐六年馮京以彰德軍節度使充太一宮使

同醴泉觀使

元祐八年尚書右丞梁燾以疾求罷詔與在京宮使宰相以為

故事非宰相不除使遂致同醴泉觀使燾以資政殿學士充按

元祐六年馮京除中使燾非事始大觀三年姚雄以右

金吾衛上將軍充使

祐神觀使

大觀元年尚書右僕射趙挺之充祐神觀使並會要及續會要

提舉宮觀

歷代沿革宋天聖七年王清官災遂罷使而景靈會靈祥源三

官觀以學士舍人管勾李若谷罷參政為資政殿大學士提
舉會靈觀自是學士待制知制誥皆得為提舉晏元獻以舊
相提舉萬壽觀武臣李端愿止得管勾祥源觀今朝官亦云
提舉非故事也 退朝錄石林燕語

古今事實

太乙宮

范鎮字景仁哲宗卽位拜端明殿學士提點中太乙宮兼侍讀
詔曰西伯善養二老來歸漢室里詞四臣入侍為我強起無或
憚動公遂辭不起改提舉崇福宮

萬壽宮

元豐元年左藏庫使昌州刺史曹誌為萬壽觀提點元豐八年

龍圖閣待制兼侍讀趙彥若為萬壽觀提舉

在外宮觀獄祠

歷代公董宋官觀皆俟力請而後授侍從而上任官觀者絕少
若因責降改作主管方且差焉熙寧初王安石相異已者方
直除官觀大抵官觀非自陳而朝廷特差者如降黜之例四
朝志 一年詔杭州洞霄宮宅州明道宮華州雲臺觀建州武
夷觀台州崇道觀成都府五岳觀建昌軍仙都觀江州太平
觀洪州玉隆觀五嶽廟並依高山崇福宮舒州靈仙觀置管
勾或提舉提點官四年詔官觀岳廟留官一員餘聽如分司
致仕例從便居住六年詔卿監職司以上提舉餘官管勾當

者又詔年六十以上者乃聽差毋過兩任兼用執政恩例者
通不得過三任四朝志後蔡京用事增廣職任崇寧三年添
官觀十政和三年添官觀二名見續會要多不錄選人亦許
乞嶽廟宣和王黼用事外開新邊以熙寧法革之一切不恤
士夫於是失祿矣舊典

古今事實

退處閑局

熙寧六年以莊宅使帶御器械知鎮戎軍張瑄為驍驍使提點
鳳祥府太平官瑄有戰功以病請退故以閑局處之

董正治官

政和二年六月復官觀縣丞詔在熙寧中先帝董正治官嘗詔

官觀置負縣置永屬實在乎是所有官觀縣丞並依天觀二年
四月以前指揮

古今文集

律詩

蒙恩監南岳廟

劉克莊

久問嫖姚乞退閑今朝隼勅放生還人欺解罷青油幕帝遣監
臨紫蓋山營卒展辭回玉帳林僧講賀到柴關丈夫不辦封侯
事猶要名標處士間

寬文六年歲次丙午大呂月

洛陽京極書肆八尾勘兵衛友久刊

早稲田大学図書館

011488600194